

Bulu - Mintilan - Protection Scriptures

Yeremia 1:18 O lôô ma telé wo môse wu e si jenan ése aval'ane tison ôlem, aval'ane beta akôn étyé ane meka'a me mvot na ô wosane bejô bôte ya Yuda, biwôlô bebo bisaé bié, betuni bé a bôt be too si jenan.

Ezekiel 3:18 Eyoñ ma ye jô mbia môte na: Yaa wo ye wu! Nge wo bo te ve ny'ayemé, nge wo bo te kobô asu ya ve mbia môt ayemé na a kôlô mbia zene wé a asu ya nyii ényiñé jé, mbia môt ate a ye wu ékotekote jé été, ve ma ye sili wo metyi mé.

Yeremia 6:27 Me teléya wo ane nyô a ve'ele bôte bam, ane ôlem, nalé ate ô yeme na wo ve'ele mezene map.

Levitik 26:19 Ma ye bu'u mebune ya ngule jenan, ma ye bo yôbe denan ayet ane étyé a si jenan aval ane mvot.

Deuteronome 23:5 Amu meyoñé mete me nji ke zu nyoñé mia be bili bidi a mendim, éyoñ mi mbe zen mi kôlô'ô Ejipte; ve be nga viane zuu Balam, a kôlô'ô e Péor, e mfa'a ya Mézôpôtami akôé, a too e mona Béor, a be nga ya'ane nye na a yo'é mia.

Rôme 12:21 Te jô'é na abé e dañe wo, ve dañe abé a mboone mvaé.

Besam 143(142):8,10 Eyoñ tyé ja taté, kañete'e ma mvo'é jôé amu me too wo mebun; bo'o na me yem zene fé ma yiane tôñ, amu ma kôñelan a fombô wo. 10 Ye'ele'e ma me bo jam wo yene mvaé, amu ô ne Zambe wom. nsisime wôé ô wulu'u ma mvo'é si é ne te jôme ya kolé ôbak.

Besam 94(93):12 A Nti, ébotan a nyô wo lep, a nyô wo ye'ele a metiñé môé!

Minkana 27:12 Môt a ne ntye a sobô éyoñ a yen ébubua ja zu, bôt be ne te yeme fas be ba lôte nalé a su'ulane tôbane njuk.

Filip 2:16 e mia mi be'e mejô ya ényiñ; e duma dame le asu môse Krist, amu da ye yené na, me nji mate mbil émate mate, nge wu njuk e zezé.

Ezayi 49:4 Ve ma me nga jô na: me nga wu nju'u zesé, me nga dimili ngule jam asu ñyemeñyem, asu momo jam; ve ma yeme fo'o na, nya nty'i'ané mejôô ma yange, a ne ve be Nti, a ma'ane mam e be Zambe wom.

Besam 76(75):4 E nne a nga bu'u mekoñ bilaé valé, nalé fe ében, nkpwaté mekôn ya bita.

Hébre 13:21 a va'a mia ngu e mfa'a jam ese e ne mvaé na mi bo nkômbane wé, a bo'o be bia e mam a yene mvaé amu Yésus Krist nyô a nee duma nnôm éto a nnôm éto. Amen!

1 Koréñt Ôsu 16:15 Abendé afe di a bobejañ: mia yeme na Stéfanas a nda

bôte jó be ne bembômô bibuma Akayi; be nga ve bebien asu ya saane mimfufup.

Filip 1:27 Ve jame da, nyiñan ényiñ ja yiane Mbamba Foé Krist, nde, nge ma zu yene mia, nge na, me too momo, ma wô'ô be kobô'ô ajô denan, me wô'ô na mi yeme ngu e nsisime wua étè. Mi yita'ane bese nleme wua aval ane mbunane Mbamba Foé ô né.

1 Koréñt Ôsu 15:58 Ajô te, a bobejañe ma nye'e, yemane ngu, te afô'ôsan, kelan ôsu éyoñ ése ésaé Nti étè, mi yeme na, nju'u wônan ô nji bo zesé e be Nti.

Kôlôs 4:12 Epafra, a ne fe wua ya be mia, a batane mia; mbo ésaé Yésus Krist ate, a nji jô'ê wosan ajô denan a zene ya meye'elan na, mi tebe ne sim, nya mvo'ê asu ya ve nkômbane Zambe mewôk.

2 Bejô Bôte Baa 19:34 Ma ye kamane tison étè na me nyii je, Amu mamien, a amu David mbo ésaé wom.

Yeremia 15:20,21 Ma ye bo wo mfine mvot ô ne nyemetan asu bôte ba; ba ye bo wo bita, ve ba ye bo te dañe wo; amu me ne be wo, mfa'a ya nyii wo, a kôté wo, nalé Nti a jô. 21 Ma ye kôté wo e mo me mbia be bôt, ma ye vaa wo e mo betibili bôt.

Besam 55(54):19 A kôtéya ényiñe jam a mvo'ê mfa'a ya bita be mbe be bo'o ma, amu be ne ma abui bôt mfa'a ya ngame yat.

Ezekiel 30:24 Ma ye ve wo njô bôte ya Babilône ngu. Ma ye futi nkpwaté mekône wom e wo wé étè. Ma ye bu'u mo me Faraoñ nalé ate a ye siñelan ane vôme môt a tate ntate nduku.

Nlitan Mam 3:18 Ma lebe wo na ô kuse or a ne ntumane nduan e be ma, ô bo kum, nalé fe mengômesan me ne éfumulu ô jaé, nde ôsone ya soé jôé wo ye bo te yené; ô kuse fe mbone ya wo'o e mise môé ô yen.

1 Yôanes Ôsu 3:17 Nge môt éziñ a bili akume ya si nyô a lôô monyañe wé e mebua étè, a bo te mvamane nye, nye'ane Zambe ô too e be nye aya?

Ezayi 50:4 Zambe, nyô a ne Nti, a nga ve ma ôyeme beyé'ê, ane me ne yeme su'u nyô a te'eya a nkobô y'anyu dam; tyé ése a vele alo dam ôyo na me vô'ôlô ane beyé'ê.

Besam 18(17):40 Wo jalé me ngul angeteñ asu mewosan, wo viti besiñe bame si be ma.

2 Samuel Baa 22:40 Wo ve ma nguleya wosan, bôte ba té ma mejô, wo bo na me dañe be, mbe bana be ne e mebo mame si.

Besam 89(88):44 ô kôñelaneya kôñelane meyo me nkpwaté mekône wé na me wosane nye, ô nji ke su'u nye awolo mewosan.

Ezekiel 13:6 Miñyenane miap mi ne momo a mvi'i jabe ke minsos; ba jô na: Nalé Nti a jô! V'é too na Nti a nji lôme be; ba bo bôt be bi ndi na mejô

map ma ye tôéban.

Levitik 26:37 Bôt ba ye ku ba bevo'o yôb ane éyoñe bôt ba tub ôsu nkpwaté mekôn teke na ba titane be. Mia ye bo te tebe ôsu besiñe benan.

1 Koréñt Ôsu 14:8 Nge toñ é nji wô'ê ne sañesañ, za a ye kômesane bita?

Yob 15:24 Olun a biyebé bia bo nye na a ko woñ, bia kubu nye nyô ane njô bôt a ne nkômesane ya wosan.

1 Minkañete Ôsu 12:9 Bôte befe be nga kôlô ayoñe Gad a ke koone David e vôm a nga solô e nkôte si. Be mbe fe biwôlô bi bôte ya mewosan bi bili abui ayé'ê asu bita, be yeme belan ében a akoñ. Be mbe ékowoñe fe v'ane bengbwengbwem a avôle mebo ane mink'o'o mi ne minkôle minkô.

1 Minkañete Ôsu 12:34,39 Bone be Zabuloñ bezimbi toyini mewôm metan, be bili mbamba ayé'ê e mame ya bita, be too fe nkôman ya tebe nnoñ ya wosan, be bili mevale mengale mese bese be bo'o ve ésaé avale da. 39 Bezimbi bete bese, nkômesane ya tebe asu mewosan be nga zu Ebroñ a telé David njô bôte ya Israél ase a nlem ôse. Bone b'Israél bevo'o bese be nga kañese ve nye ejôé te.

Lukas 10:19 Mi lôô, me nga ve mia ngule ya wulu benyo yôp a alé, a nguleya wulu e ngule nsiñ ése, a teke jôm éziñ é ne ngule ya ndeñele mia.

2 Koréñt Baa 7:10 Amu ôlun, ane nkômbane Zambe ô né, wo ve nkôñelane nlem, wo ke kui e nyian, teke mejôba'an. Ôlun avale si nyô ja kômbô, wo soo awu.

2 Timôté Baa 2:25,26 A yiane ye'ele ba ba sôane nye a nje'ebane nlem. Za a yem nge Zambe a ne volô be na be kôñelan a yeme benyaa mejôô, 26 be bulan e be bebien a kôlô mevote me Satan, nyô a nga bili be minkôm a belo ya nkômbane wé?

Nehemie 4:15 Avale te nde bi nga kee ésaé ôsu, éfase jia ya be bia é bili mekoñ ataté melendé me tyé, akekui éyoñ ateté da yené.

Besam 73(72):24 Wo wulu ma a fe'e jôé, mvuse valé wo ye nyoñe ma étôto'o été.

Pastor T. John Franklin
Church of Salvation, Healing, and Deliverance
COS-HAD.org